



Publicaziuns officialas dils 22-02-2019

Damonda da baghegiar

Nr. 05/2019

Datum da publicaziun: 22-02-2019

Patrun: Vischnaunca Sumvitg, 7175 Sumvitg

Liug e parcellas: Sulagval e Plaun Petschen; 830, 5012, 5104, 5106, 6365, 6366

Object: allontanament da terren contaminau da plum dils stans da sittar a Sulagval e Plaun Petschen

Nr. 06/2019

Datum da publicaziun: 22-02-2019

Patrun: Vischnaunca Sumvitg, 7175 Sumvitg

Liug e parcellas: diversas

Object: allontanament da risteinas e tiarms, pintgas adattaziuns da terren

Nr. 07/2019

Datum da publicaziun: 22-02-2019

Patrun: Berther Vitus artavels, 7172 Rabius

Liug e parcellas: Clavaniev; 352

Object: midada d'intent da diever agricol tier buca diever agricol

Ils profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 22-02-2019

Cumissiun da baghegiar

ELECZIUNS COMMUNALAS 2019

Demissiuns d'uffecis

Sin fundament d'art. 19 dalla lescha da votaziuns ed elecziuns han ils suandonts officials comunals inoltrau lur demissiun sin ils 31 da schaner:

a) Cumissiun da quen e gestiun

Cajacob Claudio, Cumpadials	president
Decurtins Rafael, Sumvitg	commember
Lutz Gion, Rabius	commember

b) Cumissiun da baghegiar

Bundi Martin, Sumvitg	president
Flepp Felix, Surrein	commember

Officials che han buca demissiunau

Ils suandonts officials han buca demissiunau e valan consequentamein sco proponi tenor art. 21 dalla lescha da votaziuns ed elecziuns:

b) Cumissiun da meglieraziun

Monn Martin, Sumvitg commember

c) Cumissiun da cultura

Solér Clau, Surrein commember

Monn Gabriela, Sumvitg commembra

d) Corporaziun casa da tgira Sutsassiala

Monn Yvonne, Sumvitg commembra

Sumvitg, 22-02-2019

Suprastonza communal Sumvitg

Uffeci civil Surselva

Mortori

Maissen-Tuor Paulina, naschida ils 15-07-1929, morta ils 15-02-2019, stada sesenta a Rabius.

Sumvitg, 22-02-2019

Controlla da habitonts

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 22-02-2019

Departament stradal

Corporaziun Pistregns Surrein

Invitaziun

alla radunonza da fundaziun dalla Corporaziun Pistregns Surrein, venderdis, igl 1. da mars 2019 allas 20.00 en casa da scola a Surrein

Tractandas:

1. Beinvegni
2. Elecziun dil president e digl actuar dil di
3. Elecziun dad in dumbravusch
4. Decisiun da fundar la Corporaziun Pistregns Surrein
5. Presentaziun ed approbaziun dallas statutas
6. Elecziun dalla suprastonza: president, actuar, cassier
7. Elecziun dil revisur da quen
8. Decisiun da vendita dil pistregn da Reits
9. Decisiun da vendita dil pistregn da Plazzas Su
10. Decisiun da vendita dalla parcella nr. 752 digl anteriur pistregn da Plazzas
11. Dissoluziun dalla corporaziun
12. Varia

Surrein, 22-02-2019

Radunonza generala dil vischinadi da Rabius

mardis-sera, ils 5 da mars 2019, allas 20:00 uras el local cuschina veglia dalla casa da scola Rabius

Tractandas:

1. Beinvegni
2. Elecziun da dumbravuschs
3. Prelecziun ed approbaziun dil protocol
4. Rapport ed approbaziun dil rendaquen
5. Rapport dil president
6. Damonda da susteniment finanziel allas Uniuns reunidas
7. Elecziun d'ina suprastonza e revisurs da quen ni elecziun d'ina cumissiun «organisaziun futura»
8. Reorganisaziun dall'uniun
9. Nominaziun da candidats/-as ord nies vischinadi per las elecziuns communalas

In cordial beinvegni alla radunonza generala fa *la suprastonza*

Uniun da dunnas Sumvitg/Cumpadials

Nossa radunonza generala ha liug sonda, ils **23 da fevrer 2019**, allas 20.00 ell'«Ustria dalla staziun». Scadina commembra sco era commembras novas ein cordialmein beinvegnidas.
Sin bien seveser La suprastonza

Uniun samaritana Sumvitg-Trun

Cuors d'emprem agid

Muort collisiun da datums tier scolaras e scolars havein nus midau ils datums. Il cuors d'emprem agid ha liug niev ils 4/18/25 da mars ed ils 1/8 d'avrel 2019 en casa da scola a Sumvitg, mintgamai dallas 18.30–21.30. Tuts exerchezis ston vegnir frequentai per survegnir il certificat! Interessent/-as astgan s'annunziar tochen sil pli tard venderdis, igl 1. da mars 2019 tier Gabriela Lutz, tel. 081 943 10 26 ni gglutz@kns.ch. Nus selegrein sin Vus la suprastonza

Uniun da dunnas Rabius

Nus purschin in cuors da pendular (pendeln) cun Johannes Schuler da Rabius. Co funcziunescha il pendular? Tgei technicas ed instruments ch'ei vegn duvrau, nua e tgei ch'ins sa pendular, tut quei vegn declarau ed experimentau duront il cuors. Quel cuozza tschun jamnas, mintgamai las mesjamnas. Datums ed uras: ils **20 e 27 da mars 2019, 3, 10 e 17 d'avrel 2019** allas 19.30–21.30 en casa da scola Rabius. Ulteriur sclariment dat bugen: Denise Monn, 081 936 30 66. Nus selegrein sin Vossa annunzia entochen ils 13 da mars 2019. *La suprastonza*

Der Verein Uniun da dunnas Rabius bietet einen Grundkurs zum Erlernen des Pendelns an. In fünf Kursabenden werden Sie theoretisch und praktisch in die Pendeltechnik und die Benutzung des Pendels eingeführt. Pendel können bei Kursbeginn gekauft werden. In diesem Kurs lernen Sie das Vorgehen beim Pendeln und wenden es zur Austestung von Nahrung an, oder Sie prüfen die Verträglichkeit von Medikamenten. Weiter können Störfelder gesucht werden; so werden Sie Ihre eigene Sensitivität fördern.

Tscheiver en vischnaunca cun Las Zoclas Sumvitg

Nies tscheiver en vischnaunca ha liug igl 1. da mars 2019. Vegni e tedlei nus els suandonts loghens:

14.45 plaz da scola Sumvitg

16.00 Casa S. Giusep Cumpadials

18.00 avon baselgia Surrein

19.00 plaz Cadruvi Rabiis

21.00 plaz Cadruvi Sumvitg